

Fobitro Injil Shorif 17 nombor sifara al-Titas Forisiti

Alla Pakor hukume ou sifara leksoin Hozrot Isa al-Mosir kas sahabi Hozrot Paulus (ra:). Hozrot Isae behesto toshrif neoar bade 26-28 bosoror maze ou sifara leka oise. Ou shomoe lekakor murobbi boeosh. Titas name ekzon zuan manush bin-dormo taki al-Mosir torika qobul korsila. Shomazor gese tan temon beshi namdaq asil na. Ein Hozrot Paulusre Kriti difo tobblig kamo shaijjo korsoin, erlagi tan ato hou zomator zimma deoa oise. Bade lekoke al-Titas namor ou sohifa tan gese leksoin.

Lekoke koira, Kriti difo boshot korra naforman shomazor maze, Hozrot Isa al-Mosir ummotor shobab-choritro, sal-cholon kila oa zorur. Ar zomator nanan nomunar ba nanan boeoshor manshore kila talim deoa zae. Esara, zomator maz taki doladoli, ingsha-ninda, baze torko-bitorko bad dia, Allar dor-qofe Allai rohomote zindegı qatanir foramish ase.

Ermaze ase,

- (1) Salam ar dua *1:1-4 aeat*
- (2) Kriti difor zomator salokdar neoa *1:5-16*
- (3) Zomator nanan manshor daeitto *2 ruku*
- (4) Nek kamor foramish ar hushiari *3:1-11 aeat*
- (5) Bidaei salam *3:12-15*

¹ Ami Paulus to Alla Pakor gulam ar Hozrot Isa al-Mosir ekzon sahabi. Amar daeitto oilo,

Allar fosond qora bonda oqolre imanor fote ana, ar Allare mania solar maze ze hokikot ase, ou hokikotre sinai deoa.

² Ami al-Mosir kezmot qoriar, aqeri zindegı faoar ashae. Ze Allae kunu misa matoın na, hou Allae i zindegı deoar oada qorsoın, dunia foeda oar ageu.

³ Tain tan kalam shotik shomoye zair qorsoın, ar amrar toraneala Allar hukum mafik ita toblig korar bar amar ato deoa oise.

⁴ Amar hou qas aolad Titasor gese leqram, amra duiozonu ekoi imane al-Mosir ummot oisi.

Amrar gaibi baf Allae ar toraneala Isa al-Mosie rohomot ar shanti dan qoroukka.

Kriti difor zomator saloqdar neoa

⁵ Titas huno, ami tumare ou Kriti difo toia aisi, zate zeta kam oqono baki roise, tumi ota furafur adae qoro. Ar ami zela hukum dislam, tik oula tumi forteq taunor zomator murobbi oqolre kamo boail qoro.

⁶ Mono rakio, ze murobbi oqol bodnam saqa nikut, zerar qali ekzon bou asoin, zerar fua-furın Isaei imandar, zera beforua babe zindegı qatae na, borong ma-bafor baiddo ase, ou murobbire tumi boail qoro.

⁷ Allai kamor zimmadari faoae zekunu saloqdar zanu bodnam saqa nikut oin. Tain zanu shoirasar, bodragi, nishakur, mara-mari qorra ba haram ruzi-ruzgaror lalchi na oin.

⁸ Er bodla tain zanu memandari qorra, nek babor ashik, hok-halali, ar Allar baiddo zon oin. Tan bala bisar-buddi taqe, ar nizore furafur shamlaia rakta faroin.

⁹ Alla Pakor ze hok kalam talim faisoin, tain itare mozbut kori doria raqoin, ar tik ou laqan kaqi talim toblig korta faroin. Erloge zera tan bifokke ase, tarar bul-beaqoli-o dorai dein.

¹⁰ Qaron bout beshamal manush asoin, zetae keurore manoin na, beqama mat matoin, sol-soturi qoroin. Zetae mosolmani kam qoranir lagi zura-zuri qoroin, ami kas kori otar qota-u qoiram.

¹¹ Itar muk bond qora zorur. Itae ku-fote teqa kamanir ashae ola talim dein, ze talim deoa tarar lagi tik nae. I talim dia kunu kunu foribarre bigrailira.

¹² Erlagi tarar nizor deshor eqzon fondite qoisoin, "Kriti difor manshe hamesha misa matoin, iguin to zongli zanuaror laqan, kuqia ar fetua."

¹³ Ita to eqdom hasa, erlagi tumi kub gorom oia tarar aib deqaiia deo, zate tarar Isaei iman shullo-ana nikut oe.

¹⁴ Ihudi oqolor banail kichcha-qahini, ar zeta manush Allai hokikot taki be-fote gesegi, tara zanu itar hukum-ufodesh qano na loin.

¹⁵ Zerar dil fak-fobitro, tarar gese hoqoltau fobitro. Oile zerar dil nafakie bora, ar zeta beiman, itar gese kuntu fobitro nae. Itar mon ar bibeq hoqoltau borbad.

¹⁶ Tara mukdi dabi qoroin Allare manoin, oile tarar qamor mazdi tanre oshikar qoroin. Iguin to noforoti ar obaido. Itare kunu bala qamo lagail zae na.

Zomator nanan manshor daeitto

¹ Titas huno, tumi manshore olağan talim deo, zate tumar mator maze nikut hok talim taķe.

² Zomator murobbi beṭainre ķo, tara zanu hamesha nizore shamlaia raķoin, ijyoti bonoin, bala bisar-bibek kaṭain. Tarar zanu ķaṭi iman, maea-mohobbot ar sobor taķe.

³ Olağan murobbi beṭintoreo ķo, tara zanu forezgarir adob-ķaeda mania soloin ar nekir bab hikain. Oinnor bodnam gaoa, ba nishakur bona tarar lagi ṭik nae.

⁴ Teu tara zuan fuṛintore hikaita farba, zate tarar zamai ar fua-fuṛinre mohobbot ķoroin,

⁵ nizore shamlaia raķoin, shoti roin, bala shongshari oin, doyalu oin, ar zamair baiddo taķoin. Teu Allar kalamor bodnam ķorar shuzug keu faito nae.

⁶ Olağan zuan fuaintoreo ufodesh deo, zate tara nizore shamlaia raķoin.

⁷ Tumi tarar gese hoķol nomunar nek kamor nishana o. Hoķ niote ar dae-daeitto loia talim deo.

⁸ Keu zanu tumar zobanor kunu dush na fae. Tumar oula sal-cholon deķia dushmon oķol shorminda oiba ar amrar bodnam ķorar kunu kut feita nae.

⁹ Tumi saķor oķolre ķo, tara zanu hokkol befare munibor baiddo roin, munibor mon zugaia soloin, tarar mukor ufre be-adobi mat na matoin.

¹⁰ Munibor mal-samana suri na ķoroin, borong nizor hok-halalir forman deķaia hari, amrar toraneala Allar befare ze talim ase, ou talimre hokkol nomunae shundor ķori hazain.

¹¹ Zano to, Allar ze rohomotor usillae hoqolor nazat mile, ita oqon duniat zair oigese.

¹² Ou rohomoteu amrare talim dira, zate amra be-dini kam-qaz taki ar duniar hoqol bod qaish taki duroi roia, i zogoto nizore shamlaia raki, ar nek fote roia forezgar zindegı qaıai.

¹³ Erloge amrar dilor forom asha furonor lagi bar sai, Allatala ar toraneala Isa al-Mosir shan-mohima zair oar kushi-bashi furonor lagi bar sai.

¹⁴ Isa al-Mosie to amrare basanir lagi tan nizor zan kurbanı dilaisoin, zate hoqol guna taki amrare qalas qori anta faroin, ar ou laqan ekdol manshore fak-fobitro qoroin, zera qali tan nizor oiba, zera nek kamor ashik oiba.

¹⁵ Tumi furafur bol qaıaia ota befare talim deo, manshore nosiot qoro ar tarar dush-qosuri deqaia deo. Tumare hey qorar shuzug keurore dio na.

3

Nek kamor foramish ar hushiari

¹ Allar bonda oqolre mono qorai deo, tara zanu deshor raza ar shorqari niomor odine roin, tara obaiddo na oin, manshor hoqol nomunar ufoqar qorar lagi zuit taqoin.

² Tara zanu qeuror bodnam na gain, qaijja-fosad na qoroin, borong shanto-shisto roia hoqolor loge norom bebohar qoroin.

³ Amra-o age be-aqol ar naforman aslam, be-fote soltam, duniabi aram-ayesh ar nanan nomunar bod qaishor gulam aslam. Oinno manshore ingsha qortam, tarar qeti qorar dandae din

қағайтам. Ар низе гиннар зоигго оileo еке-
оинноре гиннаитам.

⁴ Оileo амрар торанеала Allar роһомот ар мо-
һоббот зебла зair оילו,

⁵ ou shomoe тain амраре реһай дила. Амрар
низор куну нек камор лаги реһай дисоин на, қали
тан доуа-маеае дисоин. Pak руһе ноеа зonom
диа, ноеа бабе foeda қориа амрар дилре forishkar
қорсоин. Ар олақан-у тain амраре реһай дисоин.

⁶ Амрар торанеала Isa ал-Mosir mazdi тain кула
ате амрар maze ou Pak Ruhу ғалиа дисоин.

⁷ Zate ақери зиндегир аша-бороша фаиа, Allai
һоккoлтaр одикари ои. Allar роһомоте амраре бе-
қосур қалас һиһабе қобул қорae-у то амра ита
файси.

⁸ Ikan то furafur һаса.

Ами саиар, туми ou befаре furafur zur deo, zate
Allar уfre zera iman anche, tara нек кам қорар
кiali ое. Ila нек кам қора то һоқolor лаги бала ар
уfoқари.

⁹ Та-о beokufor лақан торка-торки, зат-бонгшо
лоиа мата, қайжа-фосад, ар shoriot лоиа қота қаға-
қағи қориа на. Itae то куну faeda ое на, ита ekkere
beқama.

¹⁰ Ze manshe doladoli лагае, tare foela еқбар,
bade дusrabaro һуһиар қориа, итае зуди һе на
bodle, те тар loge sola-fira ekkere bad дилайо.

¹¹ Tumi то zano-у, ита manshor дилор синта куб
қарaf, һе gunagar. He emneu низор наformанир
formан deу.

Bidaei salam

¹² Titas һuno, ami Artimas ба Tukik баире
tumar гесе faғaimu, era қеу геле туми қас қори
seста қориа Niқafoli таuno аиа амар loge деқа

qorâr lagi. Ami niot qorsi, shitor qoemash ou Nikafolit roimu.

¹³ Ukil Zoin sab ar Apollos bair soforor lagi zotoqan faro shaijjo qorio, zate tarar kunu obab na oe.

¹⁴ Amrar manshore to hikani zorur, shomazor balair lagi kila nizore qatail zae. Teu tara manshor zoruri obab miqtaito farbo, ola tarar nizor zindegio folala oibo.

¹⁵ Amar logor hoqole tumare salam zanaira. Al-Mosir ufre iman anae zera amrare maea qoroin, tarare amar salam dio.

Allar rohomot tumra hoqolor ufre qaim rouk. Amin.

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

2eb27397-6d35-5c13-b811-aecd7920507c